

Piffissami 1.-31. oktober 2021-mi Nuummi killilersuinerit pillugit Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi §§ 6, 6 a, 12 b aamma § 29, imm. 2 aamma § 3 naapertorlugit uku aalajangersarneqarput:

Atuuffia

§ 1. Nalunaarut manna atuuppoq:

1) Kommuneqarfik Sermersumi Nuummi

Imm. 2. Nalunaarut Kalaallit Nunaanni Peqqinnissaqarfimmut imaluunniit nakorsiartarfinnut kiisalu nakorsiartarfinnut namminersortunut niuertarfinnilu peqqissaannerlik naalagaaffimmit akuerisaallutik ingerlatani ingerlatsisunut atorfeqartitsiffiusunullu atuutinngilaq.

Imm. 3. Nalunaarut katersuunnernut, politikkut allatulluunniit isummersornissamik sunniiniarnissamik siunertalinnut atuutinngilaq.

Imm. 4. Nalunaarut eqqartuussivinnut atuutinngilaq.

Imm. 5. Nalunaarut namminersortunut pisortaniillu ulluunerani neqeroorutinut, atuarfinnut, ilinniarfeqarfinnut il.il. nappaatit tunillaassortut akiorniarlugit iliuutsit pillugit Inatsisartut peqqussutaanni § 22 naapertorlugu atuutsinngilaq.

Imm. 6. Nalunaarut angerlarsimaffinni aaqqissuussanut il.il. atuutinngilaq.

Imm. 7. Nunatsinni Nakorsaaneqarfik nalunaarummit immikkut akuersissuteqarsinnaavoq.

Nuumminngaanniit angalanermi piumasaqaatit

§ 2. Inuit Nuumminngaanniit Kalaallit Nunaanni sumiiffinnut allanut angalasut Covid-19-imik tunillanneqarsimannanginnertik upternarsaqqaartinnagu katerisimaarnernut, aaqqissuussanut, sammisassaqartitsinernut il.il. peqataaqqusaaangillat. Matumani illup iluani, silami, pisortat inuillu katerittarerat, aaqqissuussinerit sammisassaqartitsinerillu il.il. ilaatinngilaq.

Imm. 2. Pisortat suliffeqarfiutaanni assigisaanilu isersimanermut, inuussutissarsiortut inigisaanni tamanut ammasuni isersimanermut aamma pisortat namminersortullu utoqqarnik paaqqinnitarfinut napparsimavinnulluunniit isersimanermut imm. 1-imi inerteqqut aamma atuutsinngilaq. Taamaattorli qanermut kiinnamulluunniit assiaqutit atorlugit Covid-19-imut misissortinnissaq, ulluinnarni nioqqtissanik pisiniarnissaq allallu pisariaqavissut allanit isumagineqarsinnaanngitsut isumaginissaat

akuerineqarput.

Imm. 3. Inuit Covid-19-imut akiuussutissamik tamakkiisumik kapitissimasut imm. 1-imut ilanngunneqanngillat. kapitissimanermulli upternarsaatit takutinnejqarsinnaasariaqarput.

Imm. 4. Meeqqat 11-nik ukiullit ukiukinnerusulluunniit piumasaqaammi imm. 1-imi ilaatinneqanngillat.

Imm. 5. Inuit Nuuminngaanniit angalasut ulla tallimassaanni kingusinnerusukkulluunniit Covid-19-imut misissortissinnaapput. Misissuinermet akissut tunillatsissimangitsutut nalilerneqarpat, Covid- 19-imut tunillatsissimangitsutut isigineqassaaq.

Imm. 6. Inuk Covid-19-imik nappaammut misissortinnngippat imm. 1-imi inerteqquteqarneq Nuuminngaanniit angalanerup kingorna ulluni 14-ini atutissaaq, taamaattorli § 8, imm. 2 takuuk. Inuk ulla 14-it sinnerlugit Covid-19-imik nappaateqarnermut ersiuteqarsimangikkuni Covid-19-imik tunillaneqarsimangitsutut naatsorsutigineqassaaq.

Init ilaannut taakkununngalu attuumassutilinnut nunaminertanut, kikkunnilluunniit iserfigineqarsinnaasunut tunngatillugit piumasaqaatit

§ 3. Inuit imm. 2-mi taaneqartuni inineeqqusaanatillu taakkununngalu attuumassutilinni nunaminertaneeqqusaanngillat, aatsaallit taakkunaniissinnaassallutik:

- 1) Covid-19-imut naammassillugu akiuussuserneqarsimagunik, imaluunniit
- 2) akunnernik 48-nik pisoqaannginnerusumik COVID-19-imut misissortissimanermut upternarsaammik takutitsisinnaagunik.

Imm. 2. Init taakkununngalu attuumassuteqartut nunaminertat kikkunnilluunniit iserfigineqarsinnaasut aamma nalinginnaasumik inunnit siviktsuinnaanngitsumik isersimaffigineqarsinnaasut imm. 1-imut ilaatinneqarput, assersuutigalugu:

- 1) Sutorniartarfut, cafit, imerniartarfut, diskotekit assigisaallu aamma tamakkununngu attuumassuteqartut silami nunaminertat.
- 2) Kulturikkut suliffeqarfut - tassunga ilanngullugit ilaatigut Kulturikkut llorsuit, filmeriartarfut, katersugaasiviit inersuillu saqqummersitsiviit.
- 3) Innuttaasut Illui assigisaallu
- 4) Atuakkanik atorniartarfut.
- 5) Illut iluini silamilu timersornermut atorneqartartut - tassunga ilaatigut ilanngullugit init timersortarfut aamma llorsuit Timersortarfut, naluttarfut, timigissartarfut isikkamillu arsaattarfut.
- 6) Nujalerisut, tagiartuisartut, pinnersartarfut assigisaallu.

Imm. 3. Init tamakkununngalu attuumassuteqartut nunaminertat tullinnguuttut makku imm. 1-imi piumasaqaatinut ilaatinneqanngillat:

- 1) Init tamakkununngalu attuumassuteqartut nunaminertat niuertarfittut atorneqartut.
- 2) Allakkeriviit.
- 3) Mittarfut.
- 4) Pisortatut oqartussani pilersuiffiusunilu init sullissiviit, saaffiginnittarfut il.il.
- 5) Pisortat angallassissutaannut tunngatillugit utaqqisarfut.

Imm. 4. Inuit tullinnguuttut makku imm. 1-imi piumasaqaatinut ilaatinneqanngillat:

- 1) Sulisut inini pineqartuni imaluunniit tamakkununngu attuumassuteqartuni nunaminertani suliallit.
- 2) Inuit Covid-19-imut akiuussutissamik kapitinnissamut Nunatta Nakorsaaneqarfianit nalinginnaasumik

innersuunneqanngitsut.

3) Inuit 11-nik ukiullit ukiukinnerusulluunniit.

§ 4. Inuk Covid-19-imut tamakkiisumik akiuussuserneqarsimasutut isigineqassaaq inuup akiuussuserneqarsimanerup ingerlarngata naammassisimanera upternarsarsinnaappagu.

Imm. 2. Nunatta Nakorsaneqarfiata akiuussuserneqarsimanermut upternarsaatit sorliit akuerisaanersut aalajangissavai.

Pingaartumik inunnut Covid-19-imik siusinnerusukkut tunillatsinnikunut

§ 5. Inuit siusinnerusukkut Covid-19-imik tunillatsinnikuusimasut PCR-ilu atorlugu misissortereernermikkut Covid-19-imik tunillatsissimanerminnillu minnerpaamik ulluni 14-ini annerpaamik sapaatit akunnerini 12-inik pisoqaassusilinnik upternarsaasinnaasut, inatsisitigut tamakkiisumik akiuussuserneqareersimasutut isigineqassapput.

Imm. 2. Uppernarsaat suna upternarsaatitut akuerisatut atorneqassanersoq Nunatta Nakorsaneqarfiata aalajangersinnaavaa.

Inuit pillugit paasissutissanik suliarinninnerit

§ 6. Nalunaarut una naapertorlugu inuup akiuussuserneqarsimaneranut inissisimaffia upternarsarniarlugu inuit pillugit paasissutissanik suliarinnittoqarsinnaavoq.

Iliuusissat

§ 7. §§ 2 aamma 3-mik unioqqutitsisoq pinerluttulerinermik inatsit malillugu pineqaatissinneqarsinnaavoq.

Imm. 2. Ingerlatseqatigiiffit il.il. (inatsisilerinermi inuttut immikkoortutut isigineqartut) pinerluttulerinermik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqaatissinneqarsinnaapput.

Atuutilersitsineq aamma atuunneranut piffissaliussaq

§ 8. Nalunaarut ulloq 1. oktober 2021 atuutilissaq.

Imm. 2. Nalunaarut malillugu killilersuinerit, inerteqqutit, peqqussutit il.il. 31. oktober 2021 tikillugu atuutissapput.

Namminersorlutik Oqartussat, ulloq 30. september 2021

Kirsten Fencker
Peqqinnissamut Naalakkersuisoq

/ Aka Olesen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut